

Communicaziun a las medias

Nova cumposiziun e direcziun dal copresidi da la grupp parlamentara «Plurilinguitad CH»

La grupp parlamentara «[Plurilinguitad CH](#)» è vegnida constituida il 2015 da 15 parlamentarar e parlamentarar cun la finamira da coordinar l'engaschament per la plurilinguitad en Svizra. Dapi lura è la grupp vegnida cuntinuadamain pli gronda (actualmain 38 commembras e commembars). Dapi la fundaziun è Hans Stöckli, anteriur represchentant dal chantun da Berna en il Cussegl dals chantuns, s'engaschè sco copresident directiv cun corp ed olma per la grupp. Al cumenzament da la sessiun d'enviern 2023 ha cusseglier naziunal Martin Candinas surpiglià la batgetta.

La plurilinguitad dat la tempra a noss pajais ed enritgescha la cultura svizra. Ma ella na sa chapescha betg da sasez. La grupp parlamentara «Plurilinguitad CH» s'engascha perquai en il parlament per la plurilinguitad, p.ex. cun organisar ensemen cun autras gruppas parlamentarar mintg'onn il settember il «[Di dal plurilinguissem](#)». Il copresidi da la grupp consista da cusseglier naziunal Martin Candinas (copresident directiv; AdC, GR), cusseglier dals chantuns Hannes Germann (PPS, SH), cussegliera naziunala Anna Giacometti (PLD, GR) e cussegliera dals chantuns Maya Graf (PES, BL) che sa mettan a disposiziun per in'ulteriura legislatura e da las duas novas copresidentas cussegliera dals chantuns Mathilde Crevoisier Crelier (PS, JU) e cussegliera naziunala Céline Weber (PVL, VD). Il copresidi represchenta uschia las sis pli grondas partidas e tut las regions linguisticas da la Svizra.

L'antierur cusseglier dals chantuns Hans Stöckli ha manà sco copresident cun grond engaschi la grupp dapi sia fundaziun. En pli è el stà in dals iniziants dal «Di dal plurilinguissem» en il parlament, in'occorrenza che ha gi lieu per l'emprima giada il 2019. H. Stöckli ha surdà cun sia demissiun da la chombra pitschna la direcziun dal copresidi a cusseglier naziunal Martin Candinas. Sco president dal cussegl naziunal ha lez mussà adina puspè quant fitg che las linguas naziunalas, ch'el discorra tuttas, e la coesiun naziunala stattan a cor ad el.

Il secretariat vegn manà dal [Forum Helveticum](#) che s'engascha per la chapientscha linguistica e culturala tranter las regions linguisticas en Svizra. Tut las parlamentarar e tut ils parlamentarar èn envidads da far part da la grupp.

Berna, 01-02-2024

Infurmaziuns per las medias:

Martin Candinas, copresident directiv, martin.candinas@parl.ch, 078 841 66 86

Andrea Kleinert, mainafatschenta Forum Helveticum, kleinert@forum-helveticum.ch, 062 888 01 25